



ADMINISTRACIÓN LOCAL

MUNICIPAL

ABEGONDO

Bases reguladoras da convocatoria de axudas a deportistas de alto interés municipal 2025

Mediante a resolución da Alcaldía núm 740/2025 e 743/2025 do 28/10/2025 aprobouse realizar a convocatoria pública e aprobar as bases e os anexos da convocatoria de axudas a deportistas de alto interese municipal 2025

BASES REGULADORAS DA CONVOCATORIA DE AXUDAS A DEPORTISTAS DE ALTO INTERÉS MUNICIPAL 2025

1. Obxecto

É obxecto da presente convocatoria establecer as bases e a regulación da tramitación e concesión, por parte do Concello de Abegondo, a través do procedemento de concorrência competitiva, de becas a deportistas de Abegondo co obxecto de apoiar a práctica e o rendemento deportivo, tanto no que se refire ao perfeccionamento técnico e mellora no rendemento na participación en competicións oficiais nas distintas modalidades deportivas recoñecidas en deportes, como posibilitar a participación en eventos deportivos de nivel, cando se cumpran os requirimentos e obrigas impostos nas presentes bases.

En base ao exposto procédese a establecer as bases reguladoras de becas para a mellora e perfeccionamento de deportistas empadroados no Concello de Abegondo que destaquen na participación de competicións oficiais nas distintas modalidades deportivas. En ningún caso serán obxecto desta convocatoria a realización de cursos dirixidos á obtención de títulos académicos ou deportivos.

Estas bolsas serán compatibles con outras axudas públicas ou privadas para a mesma finalidade, que deberán ser comunicadas ao Concello.

Avaliarase a traxectoria e os méritos deportivos realativos a anualidade 2024. Enténdese por anualidade obxeto da subvención do 1 xaneiro de 2024 ata o 31 decembro de 2024

2. Beneficiarios e requisitos para formular as solicitudes

Poderán ser beneficiarios e obxecto destas axudas as persoas físicas que sexan deportistas:

1. –Estar inscrito no Padrón municipal do Concello de Abegondo cunha antigüidade mínima ininterrompida de dous anos a contar dende a publicación desta convocatoria.

2. –Dispoñer de licenza federativa relativa á anualidade obxeto da subvención expedida pola Federación Deportiva que corresponda.

3–Estar ao corrente no cumprimento das obrigas tributarias coa Axencia Tributaria estatal e autonómica, o Concello de Abegondo e a Seguridade Social.

4–Non estar cumprindo sanción firme por infracción disciplinaria ou administrativa en materia deportiva, cualificada como grave ou muy grave.

5–Non estar incurso en causa de exclusión ou prohibición para obter a condición de beneficiario de subvencións (art. 13 da Lei 38/2003 de Subvencións).

6.–Non ter condición de profesional ou que teña contrato laboral como deportista cun club.

3. –Dispoñibilidade orzamentaria e importe.

3.1-O financiamento das subvencións reguladas nesta convocatoria realizaranse con cargo á aplicación 341-48000 dos orzamentos do Concello de Abegondo para o exercicio 2025.

A convocatoria tramítase ao abeiro do disposto no artigo 56.1 do Real decreto 887/2006, do 21 de xullo, polo que se aprobou o Regulamento da Lei xeral de subvencións.

Para estes efectos, serán de aplicación a esta convocatoria as seguintes regras especiais:

3.2- Esta convocatoria queda condicionada á existencia de crédito adecuado e suficiente nos orzamentos do Concello de Abegondo para o exercicio 2025

3.3- A contía total máxima estimada é de oito mil euros (8.000 €)

3.4- No expediente de gasto que se tramite, a certificación de existencia de crédito

3.5- Os efectos de todos os actos de trámite ditados no expediente de gasto entenderanse condicionados a que, ao dítarse a resolución de concesión, subsistan as mesmas circunstancias de feito existentes no momento en que se produciron eses actos.

4.- Regras de aplicación de determinados criterios de valoración

En relación coas categorías deportivas por idades:

En relación con este aspecto, e ante a enorme dificultade e diversidade de categorías nas distintas disciplinas deportivas, establécese a este respecto a seguinte catalogación xeral:

Sénior Categoría absoluta da modalidade

Júnior Categoría inmediatamente inferior a sénior. Nalgunhas federacións será júnior, xove, promesa, xuvenil, sub 19.etc

Base: Etapas de formación anterior a júnior.

Para os efectos de encadrar aos solicitantes nalgunha das categorías deportivas por idade, a Comisión de Valoración atenderá ao nivel de competición que se determine na certificación da Federación Galega achegada polo solicitante.

En relación coa puntuación dos campionatos, soamente se terá en consideración un só resultado por campionato e tempada, esta regra responde á existencia de federacións deportivas que nalgunhas disciplinas realizan campionato de inverno e outro de verán tanto de ámbito autonómico e nacional, e pola contra outras federacións só realizan un anual.

Terá a consideración de proba individual aquela en que unha soa persoa deportista é responsable, a través da súa execución, do desenvolvemento e do resultado na competición deportiva. Tamén se considerarán individuais aquelas probas que se desenvolvan de maneira simultánea de ata 4 compoñentes e aquelas que constitúen un agregado de 2, 3 ou 4 deportistas que integran un equipo executando unha acción repetitiva e semellante (barcos de remo e piragüismo de máis dun tripulante, probas de persecución de equipos de ciclismo,...).

Terá a consideración de proba de equipo aquela en que se compite en parella, trío ou con máis compoñentes. (fútbol, baloncesto, balonmán, ...)

As copas de España, independentemente do seu formato, non terán a consideración de campionatos de España.

Para valorar un resultado deportivo, será a través da federación española ou das federacións autonómicas.

En deportes colectivos, consideraranse persoas membros do equipo todas as persoas deportistas oficialmente inscritas na acta; se o campionato se celebra en varias fases, unicamente se considerarán persoas membros do equipo aos xogadores e xogadoras participantes na súa fase final.

5. – Presentación de solicitudes e prazo

5.1-As solicitudes presentaranse, de xeito telemático na sede electrónica do Concello de Abegondo ou no Rexistro Xeral de Entrada do Concello con destino ao servizo de deportes nun prazo de 10 días hábiles contados a partir do día seguinte a publicación dun estrato desta convocatoria no Boletín Oficial da Provincia.

Tamén poderán presentarse solicitudes a través de calquera outro medio dos previstos no artigo 16 da Lei 39/2015, do 1 de outubro, do procedemento administrativo das Administracións Públicas.

5.2- Documentación da solicitude

5.2.1 Documentación administrativa no modelo oficial establecido na convocatoria.

- A Solicitude deberá cumprimentarse e presentarse no modelo oficial establecido que se adxunta nesta convocatoria.
- No caso de que a solicitude sexa presentada a través de representante, deberá achegarse a autorización escrita asinada pola persoa interesada autorizando o dito representante para solicitar a subvención. Non será precisa esta autorización no caso de solicitudes de menores de idade asinadas polo pai, nai ou titor legal.
- Documento nacional de identidade ou do seu representante legal, no caso de menores de idade, ou documento que regulamentariamente o substitúa.
- Ter a licenza vixente durante o ano obxecto da subvención coa Federación correspondente da modalidade deportiva para a que solicitan a subvención
- Declaración responsable de non atoparse incurso a persoa solicitante nas prohibicións recollidas no artigo 13 da Lei 38/2003, do 17 de novembro, xeral de subvencións.
- Certificación acreditativa de atoparse ao corrente no cumprimento das obrigas tributarias coa Axencia Tributaria estatal e autonómica, co Concello de Abegondo e a Seguridade Social. Na solicitude de beca o interesado autoriza ao Concello a consultar o cumprimento deste apartado. De non facelo, deberá o interesado aportar

as certificacións acreditativas oportunas. De conformidade co artigo 28.2 da Lei 39/2015, do 1 de outubro, do Procedemento Administrativo Común das Administracións Públicas, o Concello de Abegondo, e sempre que tecnicamente sexa posible, solicitará as certificacións que deban emitir a Axencia Estatal de Administración Tributaria, a Tesourería Xeral da Seguridade Social, a Axencia Tributaria de Galicia e o propio Concello de Abegondo, para verificar o cumprimento deste apartado. Con todo, a persoa solicitante ou o seu representante poderán opoñerse expresamente á consulta ou obtención da documentación sinalada, debendo neste caso, presentar a documentación acreditativa nos termos previstos regulamentariamente, aportando as certificacións acreditativas oportunas.

- g) Declaración da persoa solicitante da subvención na que consten as subvencións e axudas solicitadas para o mesmo fin, tanto as aprobadas ou concedidas, como as pendentes, sexan públicas ou privadas.
- h) No caso que os documentos exixidos xa estivesen en poder de calquera Administración o solicitante poderá acollerse ao establecido no parágrafo 1 do apartado d) do artigo 53 da Lei 39/2015,

5.2.2 Documentación para a valoración no modelo oficial establecido na convocatoria.

a) Historial deportivo (máx 65 puntos)

Historial deportivo, , obtido durante o ano obxecto da subvención, no que haberán de constar as participacións e os resultados obtidos en competicións autonómicas, nacionais ou internacionais, con especificación de datas, lugar e nivel de competición. Este historial acreditarase mediante a presentación dunha certificación da federación española ou das federacións autonómicas correspondente na que se acrediten os méritos deportivos alegados no anexo indicando datas, lugar e nivel de competición.

As competicións non organizadas polas federacións deportivas deberán ser recoñecidas expresamente pola federación galega, nacional ou internacional correspondente a través de certificación.

b) Proxecto deportivo (máx 22.25 puntos)

Proxecto deportivo segundo o modelo que figura na solicitude, que permita avaliar a progresión e proxección deportiva do solicitante, especificando os campionatos nos que participou ao longo do exercicio obxecto da subvención

O solicitante poderá incorporar toda aquela documentación que enriqueza o seu expediente, como recortes de prensa, dossier persoal, páxinas web, fotos, etc.

De conformidade co establecido no artigo 28.3 da Lei 39/2015, do 1 de outubro, do procedemento administrativo común das administracións públicas, non é esixible que a documentación presentada sexa a orixinal, polo que, tanto na modalidade de presentación presencial como na de presentación telemática, admitirase a presentación de copias. Non obstante, no caso de que algunha copia suscite dúbidas, poderase requirir o documento ou información orixinal.

c) Outros méritos (máx 12.75 puntos)

Valoraranse aquelas outras circunstancias en función da documentación aportada polo solicitante.

- Ter a consideración durante a tempada obxecto da subvención de DGAN segundo a Orde do 30 de maio de 2005 en desenvolvemento do Decreto 6/2004 de 8 de xaneiro (DOG núm. 106 do 3 de xuño) e o Decreto 165/2020, do 17 de setembro, polo que se regula o deporte de alto nivel, de alto rendemento e de rendemento deportivo de base de Galicia.
- Ter a consideración durante a tempada obxecto da subvención de “deportista nacional de alto nivel ou alto Rendemento” segundo o Real Decreto 917/2007 do 13 de xullo (BOE núm. 177 do 25 de xullo) A cualificación como deportista de nivel NON será acumulativa, no caso de acreditar as dúas cualificacións (nacional e galego) só se valorará a que figure acreditada no máximo nivel.
- Estancia en centros de alto rendemento na anualidade obxecto da subvención.
- Ter participado coa selección española nalgunha competición no ano obxecto da subvención
- Ter participado coa selección galega nalgunha competición na anualidade obxecto da subvención

6 – Procedemento de admisión.

1. O procedemento de concesión será o de concorrencia competitiva.

2. Unha vez rematado o prazo de presentación de solicitudes, realizarase a instrución do expediente e comprobación da corrección da documentación administrativa achegada. Dado o carácter competitivo do procedemento, advírtese expresamente que en ningún caso se concederá prazo para a mellora da documentación valorable, sen prexuízo da posibilidades de requirir documentación complementaria no suposto sinalado na base quinta, apartado.

Unha vez examinada a documentación aprobase a relación provisional de solicitudes admitidas e excluídas que será publicada no taboleiro electrónico da sede electrónica. Concedese un prazo de 5 días para a subsanación de deficiencias materiais na documentación administrativa presentada.

Transcurrido o prazo de subsanación de deficiencias aprobarase a relación definitiva de admitidos e excluídos que publicárase no taboleiro de anuncios da sede electrónica.

7.- Comisión de valoración

A Comisión de Valoración estará integrada polos seguintes membros:

Presidente: Alberto Seoane Brandariz, concelleiro ou persoa que legalmente lle substitúa

Vogal: Técnico/a de deportes ou técnico/a que o/a substitúa

Secretario: José Antonio Varela Doval, administrativo ou persoa que legalmente lle substitúa

Os membros da Comisión estarán suxeitos ás cláusulas de abstención e recusación previstas no artigo 23 da Lei 40/2015, do 1 de outubro, do réxime xurídico de sector público.

8.- Criterios de valoración.

8.1. Historial deportivo (máx. 65 puntos) de acordo co seguinte baremo

Campionato galego (en deportes de motor ou deportes onde existan varias probas puntuables valorárase a clasificación final do campionato, en deportes colectivos só se terá en conta os campións e podios na mesma categoría os que compitan na liga de máximo nivel de dito deporte).

Categoría	Campión	Podio (2º-3º)	Participar
Sénior	20	16	10
Júnior	16	13	6
Base	13	10	6

Campionato de España ou competicións relevantes a nivel nacional (en deportes de motor ou deportes onde existan varias probas puntuables valorárase a clasificación final do campionato)

Categoría	Campión	Podio (2º-3º)	Participar
Sénior	32	29	23
Júnior	29	26	20
Base	26	23	16

Campionatos de Europa ou competicións relevantes a nivel internacional (en deportes de motor ou deportes onde existan varias probas puntuables valorárase a clasificación final do campionato).

Categoría	Campión	Podio (2º-3º)	Participar
Sénior	49	45	39
Júnior	45	42	36
Base	42	39	32

Campionatos do Mundo (en deportes de motor ou deportes onde existan varias probas puntuables valorárase a clasificación final do campionato).

Categoría	Campión	Podio (2º-3º)	Participar
Sénior	65	62	55
Júnior	62	59	52
Base	59	55	49

8.2. Proxecto deportivo (máx. 22.25 puntos): valorarase o grao de interese do proxecto presentado, a proxección de futuro do deportista e a súa progresión ao longo dos últimos anos.

8.3. Outros méritos (máx. 12.75 puntos): valoraranse aquelas outras circunstancias en función da documentación aportada

–Ter a consideración durante a tempada obxecto da subvención de DGAN segundo a Orde do 30 de maio de 2005 en desenvolvemento do Decreto 6/2004 de 8 de xaneiro (DOG núm. 106 do 3 de xuño) e o Decreto 165/2020, do 17 de setembro, polo que se regula o deporte de alto nivel, de alto rendemento e de rendemento deportivo de base de Galicia: ata 3.5 puntos

–Ter a consideración durante a tempada obxecto da subvención de “deportista nacional de alto nivel ou alto Rendemento” segundo o Real Decreto 917/2007 do 13 de xullo (BOE núm. 177 do 25 de xullo): ata 6 puntos.

A cualificación como deportista de nivel NON será acumulativa, no caso de acreditar as dúas cualificacións (nacional e galego) só se valorará a que figure acreditada no máximo nivel.

-Estancia en centros de alto rendemento na anualidade obxecto da subvención: 1.75 puntos

-Ter participado coa selección Galega nalgunha competición na anualidade obxecto da subvención: 2 puntos.

-Ter participado coa selección española nalgunha competición na anualidade obxecto da subvención: 3 puntos.

9.-Procedemento para a concesión de becas.

A resolución de concesión provisional publicarase mediante anuncio público nos seguintes taboleiros e lugares de difusión: páxina web municipal e na sede electrónica do Concello de Abegondo. Concederase un prazo de 3 días naturais para presentar alegacións. Examinadas as alegacións presentadas, formularase a proposta de resolución definitiva pola comisión de valoración, que deberá indicar a relación de solicitantes beneficiarios para os que se propón a concesión da beca, e a súa contía, especificando a puntuación obtida e os criterios de valoración empregados.

O expediente de concesión da beca conterá o informe do órgano instructor no que conste da documentación aportada, as persoas beneficiarias cumpren todos os requisitos necesarios para acceder ás mesmas. O acordo de resolución definitiva incluírá unha relación ordenada de todas as solicitudes que cumpran coas condicións administrativas y técnicas establecidas nas bases reguladoras para adquirir a condición de persoa beneficiaria.

Se algunha das persoas beneficiarias renunciase á beca concedida definitivamente, o órgano competente acordará, sen necesidade de nova convocatoria, a concesión de beca ao solicitante ou solicitantes seguintes por orde de puntuación, sempre que coas renuncias existentes se libere crédito suficiente.

A resolución definitiva publicarase no taboleiro de anuncios da sede electronica.

O prazo máximo de resolución será de tres meses dende a publicación da convocatoria . A falta de resolución expresa no dito prazo terá o efecto dun acto desestimatorio.

10.-Publicidade do acordo de concesión

Na sede electrónica municipal do Concello, así como na Base de Datos Nacional de Subvencións, ao abeiro do disposto no artigo 45. b) da Lei 39/2015, do 1 de outubro, do procedemento administrativo común das administracións públicas.

11.-Xustificante e pago de subvención

As bolsas poderanse aboar nun único prazo (100 % subvención) ou poderase aboar en dous prazos do seguinte xeito:

-75% á concesión da bolsa

-25% final, coa presentación da documentación xustificativa.

Para o pago das bolsas, as persoas adxudicatarias deberán estar ao corrente nas súas obrigas tributarias e coa Seguridade Social. Neste senso, o solicitante da bolsa autoriza ao Concello de Abegondo, no momento da presentación da súa solicitude, para que poida obter as certificacións acreditativas de que está ao corrente nas súas obrigas tributarias, coa Seguridade Social e coa facenda municipal.

Os pagos realizaranse por transferencia bancaria na conta indicada no certificado bancario presentado pola persoa solicitante.

Na realización do pago do importe das subvencións concedidas aplicarase a retención de IRPF que corresponda de acordo coa Lei 35/2006, do 28 de novembro, do Imposto IRPF e o RD 439/2007, do 30 de marzo, polo que se aproba o regulamento do IRPF.

De conformidade o disposto no artigo 30.7 da Ley Xeral de Subvencións, dado que esta subvención otorgase en base a circunstancias xa acreditadas en fase de solicitude, non se require xustificación final.

12.- Obrigas das persoas beneficiarias

De acordo co establecido no artigo 14 da Lei Xeral de Subvencións, as personas beneficiarias estarán obrigadas a:

- Cumprir con todas as normas establecidas nos apartados anteriores.
- Cumprir os obxectivos marcados nesta convocatoria para poder percibir a beca. Enténdese que se cumpriron os obxectivos cando o deportista becado acredite que cumpriu a lo menos a metade dos obxectivos marcados no proxecto inicial.
- Empregar os fondos percibidos nos fins e a finalidade para os que foron outorgados.
- Ter participado nas probas deportivas correspondentes á súa modalidade e categoría deportiva durante o ano obxeto da subvención.
- Levar o logotipo do Concello de Abegondo na súa equipación deportiva nun lugar visible (se é o caso), así como en caso de dispoñer paxina web o redes sociais, se faga constar que o deportista está becado polo Concello de Abegondo e colocando o logo municipal nas redes.
- Reintegrar os fondos percibidos nos supostos que procedan.
- As demais obrigas impostas pola Lei Xeral de Subvencións y polas demais normas reguladoras da materia.

13. - Compatibilidade con outras axudas ou subvención públicas ou privadas

As subvencións concedidas ao abeiro desta convocatoria son compatibles con calquera subvención pública ou privada que poidan recibir os deportistas.

14.- Reintegro ou perda do dereito ao cobro das subvencións

En caso de incumprimento da persoa beneficiaria por algunha das causas previstas no artigo 37 da Lei xeral de subvencións, tramitarase un expediente de reintegro, ou se é o caso da perda do dereito á subvención concedida. A obriga de reintegro ou perda do dereito poderá ser total ou parcial, en función da gravidade do incumprimento do beneficiario, graduándose de acordo co principio de proporcionalidade. En todo caso, o reintegro incluírá sempre como mínimo os importes cuxo gasto non se xustificase en prazo.

15.- Normativa supletoria e recursos.

En todo caso o non disposto nestas bases seranlle de aplicación a esta convocatoria e ás subvencións que se concedan ao seu abeiro, o disposto na normativa de subvencións aplicable á administración local, así como na lexislación vixente en materia do procedemento administrativo común das administracións públicas.

As presentes bases e cantos actos administrativos se deriven das mesmas, poderán ser impugnados polas persoas interesadas nos casos e na forma prevista na Lei 39/2015, do 1 de outubro, del Procedemento Administrativo Común das Administracións Públicas.



CONCELLO
D E
ABEGONDO
(A CORUÑA)

SOLICITUDE DE
AXUDAS A DEPORTISTAS 2025
Anexo I

(Selo de rexistro)

Cód. Procedemento (a cubrir pola administración):

Datos da persoa solicitante

Nome e apelidos		NIF/NIE	
R./Lg. ⁽¹⁾		Parroquia	Núm.
Bloq./Escaleira	Piso/porta	Código Postal	Municipio
Provincia	Teléfono	Correo electrónico ⁽²⁾	

⁽¹⁾ enderezo para notificación postal ⁽²⁾ correo electrónico para notificación electrónica

Datos da persoa representante (no caso de que a persoa solicitante sexa menor de idade)

Nome e apelidos		NIF/NIE	
R./Lg. ⁽³⁾		Parroquia	Núm.
Bloq./Escaleira	Piso/porta	Cód. Postal	Municipio
Provincia	Teléfono	Correo electrónico ⁽⁴⁾	

⁽³⁾ enderezo para notificación postal ⁽⁴⁾ correo electrónico para notificación electrónica

Seleccione a forma de notificación

Notifíquese a: ☐ Persoa solicitante ☐ Persoa representante

Enviaranse avisos da posta a disposición da notificación ao correo electrónico e/ou teléfono móbil facilitados a continuación:

Autorizo a:

Para que en relación ao procedemento indicado exerza as seguintes facultades: facilitar a práctica de cantas actuacións sexan precisas para a instrución do expediente, achegar cantos datos e documentos se soliciten ou foran de interese, recibir todo tipo de documentación, formular peticións e solicitudes, presentar escritos e alegacións, manifestar a súa decisión de non efectuar alegacións nin achegar novos documentos que poida realizar o órgano competente e, en xeral, realizar cantas actuacións correspondan a/aos representado/a(s) no curso do devandito procedemento.

ACEPTACIÓN DA REPRESENTACIÓN

Coa sinatura do presente escrito a persoa representante acepta a representación conferida e responde da autenticidade da sinatura da persoa solicitante.

SINATURA DO/A DEPORTISTA

SINATURA DA PERSOA AUTORIZADA

Abegondo, de de

SOLICITO:

Que sexa admitida a trámite a solicitude de becas de deportistas co Concello de Abegondo na modalidade que se indica:

MODALIDADE DEPORTIVA:

DOCUMENTACIÓN QUE ACHEGA

- ☐ Anexo II (Declaracións deportistas de Abegondo)
- ☐ Anexo III (Declaración doutras subvencións para o mesmo fin)
- ☐ Anexo IV (Declaración responsable de estar ao corrente coas obrigas tributarias coa Axencia Tributaria e a Seguridade Social)
- ☐ Anexo V (Historial deportivo)
- ☐ Anexo VI (Proxecto deportivo)
- ☐ Anexo VII (Outros méritos)
- ☐ Certificado federativo ou copia da Licenza Federativa vixente
- ☐ Documento que acredite a condición de deportista de alto nivel ou de alto rendemento polo CSD (Consello Superior de Deportes)
- ☐ Documento que acredite a condición de deportista de alto nivel ou de alto rendemento polo DGAN (Deportista Galego de Alto Nivel)

COMPROBACIÓN DE DATOS

Os documentos relacionados serán obxecto de consulta ás administracións públicas. No caso de que as persoas interesadas se opoñan a esta consulta, deberán indicalo na casilla correspondente e aportar unha copia dos documentos	OPÓÑOME Á CONSULTA
DNI/NIE da persoa solicitante	
DNI/NIE da persoa representante	
Certificado de residencia con data da última variación do padrón da persoa solicitante	
Certificado de estar ao corrente das obrigas tributarias e fiscais coa AEAT	
Certificado de estar ao corrente das obrigas tributarias e fiscais coa Axencia Tributaria de Galicia	
Certificado de estar ao corrente coas obrigas coa seguridade social	
Certificado de estar ao corrente coas obrigas co Concello de Abegondo	

Se a documentación xa consta no Concello de Abegondo e non existe modificación nin transcorreu o prazo de validez de cinco anos indique:

Documento	Data de entrega	Procedemento para o que se presentou

Abegondo de de

(Sinatura da persoa solicitante, representante ou autorizada)

"De acordo co establecido pola normativa vixente en materia de protección de datos, informámolo/a de que o Responsable de Tratamento dos seus datos persoais é CONCELLO DE ABEGONDO, con enderezo SAN MARCOS, N.º 1, 15318 – ABEGONDO (A Coruña). Os datos serán utilizados para prestar o servizo solicitado e a xestión administrativa derivada da prestación do servizo. Os seus datos non se cederán a terceiros, salvo por obrigación legal. Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos, así como opoñerse ou retirar o consentimento e solicitar a portabilidade destes en calquera momento. Para iso, CONCELLO DE ABEGONDO dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI para acreditar a súa identidade. Pode consultar a información adicional e detallada sobre Protección de Datos solicitándoa en: SAN MARCOS, N.º 1, 15318 – ABEGONDO (A Coruña)."



CONCELLO
D E
ABEGONDO
(A CORUÑA)

AXUDAS A DEPORTISTAS.
Declaración deportistas de Abegondo
Anexo II

D./Dña. con NIF
(persoa solicitante)

D./Dña. con NIF
(representante no caso de que o/a solicitante sexa menor de idade ou ou persoa autorizada)

DECLARO:

- Ter a licenza federativa da modalidade deportiva para a que se solicita a axuda no ano obxecto da subvención.
- Non atoparme incurso/a en ningún dos supostos de incompatibilidades aos que se refire o artigo 13.2 d) da Lei xeral de subvencións.
- Non atoparme incurso/a en ningunha das prohibicións de obtención de subvencións do Concello ás que se refire o artigo 13 da Lei xeral de subvencións.

E para que así conste, para os efectos previstos no artigo 13 da Lei 28/2003, do 17 de novembro, xeral de subvencións, asino esta declaración.

Abegondo, de de

(Sinatura da persoa solicitante, representante ou autorizada)



AXUDAS A DEPORTISTAS.
Declaración doutras subvencións
Anexo III

D./Dña. con NIF
(solicitante)

D./Dña. con NIF
(representante/persoa autorizada no caso de que o/a solicitante sexa menor de idade)

DECLARO:

- ☐ Non obtiven outros ingresos públicos nin privados para o mesmo fin que o subvencionado polo Concello de Abegondo.
- ☐ Obtiven as subvencións, axudas, ingresos ou recursos para o mesmo fin que o subvencionado polo Concello de Abegondo. (especificar na seguinte táboa)

Procedencia (Entidade concedente ou organismo)	Importe
Total ingresos	

Abegondo, de de

(Sinatura da persoa solicitante, representante ou autorizada)



CONCELLO
D E
ABEGONDO
(A CORUÑA)

SUBVENCÍONS A DEPORTISTAS.
Declaración responsable
Anexo IV

D./Dña.

con DNI

DECLARO:

Que estou ao corrente coas obrigas tributarias coa Axencia Tributaria e coa Seguridade Social.

E para que así conste, para os efectos previstos no artigo 24 do RD 887/2006, do 21 de xullo, polo que se aproba o Regulamento da Lei 38/2003, de 17 de novembro, xeral de subvencións, asino esta declaración.

Abegondo,

de

de

(Sinatura do/a solicitante)

O artigo 24.4 do RD 887/2006, do 21 de xullo, polo que se aproba o Regulamento da Lei 38/2003, de 17 de novembro, xeral de subvencións de simplificación do cumprimento de obrigas tributarias e coa Seguridade Social que establece que a presentación de declaración responsable substituirá a presentación de certificacións previstas nos apartados 2 e 3 do artigo 22 nas subvencións nas que a contía a outorgar a cada beneficiario non supere na convocatoria o importe de 3.000 euros.



AXUDAS A DEPORTISTAS

Historial deportivo 2024

Declaración de participación en competicións deportivas 2024

Anexo V (máx.65 puntos)

Datos do deportista:

Nome e Apelidos	
Disciplina deportiva:	Clube:

Declaro:

En cumprimento dos requisitos establecidos para a solicitude das axudas a deportistas, os datos da seguinte táboa na que se recollen as competicións nas que participei durante o ano 2024 se axustan á realidade.

Deberá achegarse a documentación que acredite a participación e resultados (certificación da federación)

Data	Campionato	Tipo de campionato (Autonómico, nacional, internacional)	Categoría	Posto

Data	Campionato	Tipo de campeonato (Autonómico, nacional, internacional)	Categoría	Posto

Outros méritos deportivos 2024

,

de

de

(Sinatura do/a deportista ou representante



AXUDAS A DEPORTISTAS
Proxecto deportivo para a tempada 2025
Anexo VI (máx.22,25 puntos)

1. Datos persoais

Nome e apelidos:
NIF/NIE:
Data de nacemento:
Modalida deportiva:
Ano de comezo:

2. Traxectoria deportiva

3. Contido e obxectivos do proxecto deportivo para a tempada 2025

4. Campionatos nos que ten previsto participar no 2025

Campionato	Lugar de celebración	Data prevista

5. Persoal técnico co que conta para adestrar

6. Instalación das que dispón para o adestramento

7. Resultados deportivos no ano 2023-2024**8. Outros datos** (de ser o caso/ou interese)



CONCELLO
D E
ABEGONDO
(A CORUÑA)

AXUDAS A DEPORTISTAS.

Outros méritos

Anexo VII (máx. 12,75 puntos)

Datos da persoa solicitante

Outros méritos: (Presentarase documentación xustificativa)

- ☐ Ter a consideración durante a tempada obxecto da subvención de "deportista galego de alto nivel" segundo a Orde do 30 de maio de 2005 en desenvolvemento do Decreto 6/2004 do 8 de xaneiro (DOGA núm. 106 do 3 de xuño). (ata 3,5 ptos.)
- ☐ Ter a consideración durante a tempada obxecto da subvención de "deportista nacional de alto nivel" ou "alto rendemento" segundo o Real Decreto 917/2007 do 13 de xullo (BOE núm. 177 do 25 de xullo). (ata 6 ptos.)
- ☐ Estancia en centros de alto rendemento no ano obxecto da subvención. (1,75 ptos.)
- ☐ Ter participado coa selección española nalgunha competición no ano obxecto da subvención. (3 ptos.)
- ☐ Ter participado coa selección galega nalgunha competición no ano obxecto da subvención. (2 ptos.)

Abegondo, de de

(Sinatura da persoa solicitante, representante ou autorizada)

O que se publica para os efectos oportunos.

Abegondo, 29 de outubro de 2025

O alcalde

José Antonio Santiso Miramontes

2025/7113